

etetus scenici.

Cracoviense Collegium Novodvori.

Cracoviensis Academiae Juventutis; Eleutheria

Polonia semper celebrata.

1669

Pack

N. 436

POËTAE POLON.

N.



ELEVTHERIA

POLONIS SEMPER CELEBRATA.
IN LVDIS SECVLARIBVS
ANNI 1669.

Felicissimâ Electione, ac Inauguratione

SERENISSIMI PRINCIPIS

MICHAELIS

DEI GRATIA REGIS POLONIÆ,


Magni Ducis Lithuanix, Russix, Prussix, Masouix, Samogitix, Liuonix, Smolensci, Czerniechouix, &c. &c. &c.

AUSPICATISSIMI,

INSTAURATA.

In quibus Diua Libertas, instructo omnium Polonia Regum insignibus, trophæis, triumphali curru; educatam liberaliter in sinu suo, translatis demum more veteri ad indigenam fascibus, eximie adornatam, ductu Prouidentie Diuine, ad aureum Seculum prouehit Poloniam.

Egit Iuuentus Academix Cracouiensis, in Collegio Vladislauiano, Comitiorum Coronationis tempore.



PROLOGVS.

ANus Secularis 550. decretam sibi celebritatem, noui Regni excitatione, intra Albim & Tanaim, Sarmaticum mare & Carpatum, in tabulis Fatorum legit: eisdemq; progressus, & auctus insinuat.

SECVLVM I.

Lechi, Lechidarumq; ab Anno 550. ad A. 842.

- Scena 1.* Libertas per Tyrannidem ex Monarchijs proscripta, post longos errores in Sarmatiâ sedem figit.
- Scena 2.* Lechus advena, eadem in regione, incubantis aquilæ nidum excutit, repertæ inibi infanti nomen Lechiæ, seu Poloniæ imponit: scutoq; cunarum vice collectam, offerenti se Libertati tradit educandam: siluas porro excindens, Gneznam sedem Regni fundat.
- Scena 3.* Satyri excisis ad culturam agrorum siluis, pelli se domicilijs suis, ab antiquo inhabitatis, queruntur.
- Scena 4.* Libertas infanti Lechiæ exponit, quibus à Lecho Parente sit cumulatâ ornamentis, utq; iam robustior facta, cunas deserat hortatur.
- Scena 5.* Lechus dilatatis Imperij finibus, ad religiones versus, delubra Leli Poleli, Ssisti Possisti, &c. excitat, Festaq; Libertatis, ritè posteris peragenda instituit.
- Scena 6.* Fama Lechi fatum, laudesq; filij eius Visimiri perorat.

A

Scena 7.

- Scena 7.* Libertas suam accusat incuriam, quæ sub Regiâ purpurâ Tyrannidem, dum timet, & laticlavium Aristocratarum induit; extremis laborare occipit, rursusq; ad purpuram Regiam adspirat.
- Scena 8.* Polonorum chorus precatur ad pulvinaria Deorum, ut orphanam respiciant Lechiam; quibus auspex captato auspicio, Cracum Principem euulgat.
- Scena 9.* Ambitio, Invidia, Tyrannis, venationis simulacrum saltu expediunt, quâ fratri Craco, Lechus Secundus laqueos posuerat.
- Scena 10.* Venda fraterno madentem sanguine purpuram, Liberrati eluendam tradit: quæ Tyrannidem proscribit, Vendæ Poloniam commendat: hæc aureis à Cupidine sollicitata sagittis, Dijs patrijs virginitatem vitamq; deuouet.
- Scena 11.* Libertas iniurias Palatinorum, artibus Licentiæ, ad imperium vocatorum incusat: Præmyslai integritatis suæ assertoris, immaturum obitum ferens ægrè, Fortunæ arbitrio Lechicum diadema committit.
- Scena 12.* Fortuna Equestris culta Romanis; Polonia, pedestrem se promittit: non ambientibus, sed cælo designatis, diadema deferens: decurrunt Lescones ad metam.
- Scena 13.* Fama Lesci Primi virtutes, moderationem imprimis: Lesci Secundi fortitudinem: Popieli Primi ignauiam: Popieli Secundi, toxico instructam Tyrannidem orbi exponit.
- Scena 14.* Inter extinctorum veneno Popieli patruorum capita, Ambitio, Tyrannis, Invidia choreas insultando ducunt: Vindicta Diuina, immisissis muribus ex cadaueribus proiectis, insolescentes persequitur.

C H O R V S

Inuehitur in Ambitionem, Inuidiam, nullaq; impunita,
mala vnquam esse proponit.

S E C V L V M P I A S T I P I A S T I D A R V M Q;

Ethnicorum, ab Anno 842. ad Annum 962.

- Scena 1.* Fortuna cum pedestri sibi, pessimè res per Popielum processissent, curulem se Poloniae offert, Piastrumq; designat, triumphalem Lechiæ currum paraturum.
- Scena 2.* Factio, Invidia, Intercessio, simulacro contractarum fingillatim sagittarum, discerptiq; cordis, Electioni discordi præludunt.
- Scena 3.* Poloni Electionem celebrant, infectis rebus discedunt, à Piastris filij generethlia celebrante, humanitè accipiuntur.
- Scena 4.* Pax, Salus, Faustitas, simulacro conglutinati cordis, malogranati, libatiq; ad inuicem osculi, comitijs concorditè celebrandis præludunt.
- Scena 5.* Comitia Electionis: Piastrus vnanimi voce omnium, Princeps salutatur. Libertati maiestatem suam concordia Ciuium asserenti, sacra sunt.
- Scena 6.* Piastrus currum triumphalem Lechiæ suæ paratum, domo producit, Aquilas iugat: Liberras à Ziemomysslo, Lescone tertio, Ziemouito, oblatas tres rotas applicat.
- Scena 7.* Fortuna nomine cæci Miesconis, quartam rotam addit propriam: remorq; inconstantia symbolo, stabilem se in posterum offert Poloniae nomen quoq; mutat, & quæ cæca tenebris gentilium errorum, oppressa colebatur Polonia, oculata Prouidentia haberi eadem, nominariq; cupit.

C H O R V S

Polonorum, vt promissam diuinitus lucem, in illuminato
Principe, tandem orbis Lechicus aspiciat, cælo supplicat,
SECVLVM PIASTIDARVM,
Christianorum, ab Anno 962. ad Annum 1370.

- Scena 1.* Prouidentia misertum esse DEVM, genti Polonæ ait: veramq;
lucem cum Religione verâ misisse: beatos, qui hospitio puri cordis
eam acceperint: non fortunâ regnorum ortus, progressusq; agi, sed
Numinis Prouidentia supremi.
- Scena 2.* Miecislau præcedente Religione, crucem complexus ingreditur:
Deos gentiles exturbat, sacra antistitibus procuranda commendat.
- Scena 3.* Bolesla^{us} Chrobri comite Marte & Religione, diadema Poloniæ offert.
- Scena 4.* Fama, laudes Boleslai celebrat: pusillanimitatem Miecislao secundo
exprobat: Casimirum Cluniaco in patriam reducem salutat.
- Scena 5.* Libertas lacrymabunda tyrannidem Boleslai Audacis incusat, cæ-
demq; Stanislai martyris exponit: detrahit audax diadema Poloniæ.
- Scena 6.* Prouidentia, misericordiam DEI supra Poloniam deprædicat, pro-
ponitq; ex ordine Principes Poloniæ, Vladislaum Hermannum, Bo-
leslaum Criuousti. Vindicta ait, DEVM misericordem simul ac ius-
tum esse, diuidendam in tot partes Poloniam, in quot sanctus
martyr ferro sectus, proponitq; Vladislaum Secundum, Boleslaum
Crispum, Miecislau senem, qui cum Casimiro Secundo, Lescone
Albo, Vladislao Lasconogo, de Principatu certauit: Boleslaum Pu-
dicum, quo rerum potiente rabies Tartarorum Poloniam inundauit.
Prouidentia Poloniam Lesci Nigri victoriâ, recreat. Obijcit Vindi-
cta corrumpendam lætitiâ istam, per Henricum Probum cum
Boleslao Płocensi & Loctico, de principatu contendentem. Proui-
dentia satis iam datum esse vindictæ dicens: monet Poloniam,
vt tempora Regio diademati aptet.
- Scena 7.* Libertas miseratione Diuina, ducentis quindecim annis, intermis-
sum diadematis vsum, à Præmyslao Secundo, gaudet Poloniæ obla-
tum: per Boleslaum Bohemum, Cracouiam muro cinctam, Mone-
tam argenteam inductam, victos per Locticum Cruci geros exponit.
- Scena 8.* Casimirus Magnus literas introducit, leges condit, vrbes exstruit,
Russiam in prouinciam redigit, Festorum Libertatis celebritatem au-
get, immunitatem Polonis largiens.

C H O R V S

In nuptijs neptis Casimiri Magni, Piaftidarum laudes ce-
lebrat: Panoplia grauioris armaturæ.

SECVLVM IAGELLONICVM,

- Scena 1.* Fata seriem Piaftidarum, 528. annis regnantium, in Magno Casimi-
ro, cum flamine aureo intercidunt: ordiuntur simul argenteum,
flamen Ludouici & Heduigis: mox deinde mutatis fulis, flamina
purpurea ducunt D. Iagelloni, & posteritati eius.
- Scena 2.* Iagello crucem amplexus, cum consorte Heduigi, Academiam in-
troducitur, Insigne M. D. L. Pogonia, Aquilis sociatum, currui trium-
phali Poloniæ iungit.

- Scena 3.* Musæ Poloniam ingrediuntur, occupato Parnasso laudes Iagellonis, Iagellonidarumq; canunt, Vladislai Tertij, Casimiri Tertij.
- Scena 4.* Libertas à Casimiro Tertio, post tutelam peractam ad plenissimam Poloniæ curam vocata, Festa sibi cumulatiùs instaurata gaudet: Ioannem Albertum, Alexandrum, Sigismundum primum, Sigismundum Augustum celebrans.
- Scena 5.* Fata rumpunt flamen purpureum Iagellonidarum: in Sigismundo Augusto.
- Scena 6.* Prouidentia mæstæ Libertari, & iam ad indigenas, iam ad externos respicienti, Lilia Henrici Valesij, Stephani Bathorei dentatam resseram, tresq; aristarum manipulos Sigismundi Tertij, Vladislai IV. Ioannis Casimiri offert.
- Scena 7.* Manipulum Sigismundi & Vladislai Moschi, submissè venerantur. Turcæ Pyrrhichen, leuioris armaturæ expediunt, honori vtriùsq;.
- Scena 8.* Manipulum Vladislai IV. Academiæ Seruatoris, Gratia à Musis Iagellonicis instructæ, coronâ Laureâ, in saltu contextâ decorant.
- Scena 9.* Ioannis Casimiri, quod contra Barbaros, Schismaticos, rem Christianam propugnasset: Arrianam hæresim extirpasset, Religio manipulum veneratur.

CHORVS

Libertati abdicatione Regni, grauiter concussæ, benè auguratur.

SECVLVM KORYBVTHEVM,

- Scena 1.* Prouidentia, aureum Poloniæ reparatura Seculum, Libertatem monet, vt Serenissima in orbe Sarmatico Luminaria respiciens; currum triumphalem instruat, & Principem in nomine LUCHIAM legat.
- Scena 2.* Factio, Inuidia, Intercessio, nè quid aduersi moueant, cælitus à Michaële Archangelo territæ, fugantur classico, QVIS VT DEVS?
- CHORVS. MICHAEL REX VIVAT.
- Scena 3.* Genius Serenissimi procedit, præit Religio crucem, Mars lunam, Pallas stellam, gentilitia Korybuthorum decora ferentes: comitatur Pax, Salus, Faustitas, insigne Zamoscianæ Domûs, tribus hastis effingunt: obuiam Libertas veniens Augustum, Pium, Felicem, Patrem Patriæ salutat.
- Scena 4.* Musæ Iagellonicæ, in saltu Morphasmi, stemma Serenissimi nomenq; cum anagrammatis referente, stellatam coronam, in lunari circulo texunt, Genio S. R. M. offerunt, hic Poloniæ.
- Scena 5.* Thraces in folio Regni Poloni, Lunam Visniouiciam conspicati, eclipsim suæ imminentem ominantur. Scythæ dant insolentiæ suæ Marti Korybuthæo pænas. Vkrâinenses salutiferam Visniouiciorum Lunam venerati, Othomanicam calcant. Prouinciæ aliæ respiciunt plenilunium felicitatis Poloniæ.
- Scena 6.* Pax, Salus, Faustitas, fugatis hostibus, laureas hastis colligunt, Genioq; Serenissimi offerunt.
- Scena 7.* Polonia, triumphali curru, per Diuam Libertatem deducta, ligatis post currum, quæ fuerant auulsæ Prouincijs, aurei portam Seculi ingreditur. Poloni Eleutheria celebrant.

CRACOVIAE, In Officina Alberti Siekielowic, S. R. M. Typographi.

